



Na osnovu čl. 56. i 57. Statuta Općine Ilijaš ("Službene novine Kantona Sarajevo", br. 20/09-prečišćeni tekst i 46/18) i Pravilnika o dodjeli sredstava za sufinansiranje troškova odlaska na ekskurziju učenika slabijeg imovnog stanja završnih razreda osnovnih škola kao javnih ustanova sa područja općine Ilijaš, broj: 01/2-11-1448/2025 od 18.06.2025.godine, Općinski načelnik objavljuje

JAVNI POZIV
za dodjelu sredstava za sufinansiranje troškova odlaska na ekskurziju učenika
slabijeg imovnog stanja završnih razreda osnovnih škola kao javnih ustanova sa
područja općine Ilijaš

Cilj ovog Javnog poziva je omogućavanje odlaska na ekskurziju učenicima slabijeg imovnog stanja. Ovim programom će se učenicima omogućiti sticanje određenih znanja, vještina i navika u skladu sa ciljevima i zadacima odgovarajućih programa odgojno-obrazovnog rada.

1. PRAVO NA PODRŠKU:

Mogu ostvariti učenici završnih razreda osnovnih škola kao javnih ustanova na području općine Ilijaš, koji ispunjavaju slijedeće uslove:

- imaju prebivalište na području Općine Ilijaš u neprekidnom trajanju od 3 (tri) godine do dana podnošenja zahtjeva;
- koji redovno pohađaju osnovnu školu,
- čija primanja po članu porodičnog domaćinstva ne prelaze iznos od 400,00 KM mjesečno.

Bez obzira na ukupna primanja domaćinstva, pravo na podršku ostvarit će učenici:

- a) bez jednog ili oba roditelja,
- b) sa invaliditetom
- c) koji potiču iz porodice u kojoj se istovremeno školuje troje i više djece u osnovnoj i srednjoj školi.

2. NAČIN DODJELE NOVČANIH SREDSTAVA

Maksimalni iznos (neto) sredstava koji se može dodijeliti po podnesenom zahtjevu je 250,00 KM za učenike završnih razreda osnovne škole.

Ukoliko su troškovi ekskurzije manji od navedenog iznosa, Općina će finansirati iznos stvarne cijene ekskurzije koja se dokazuje predračunom/priznanicom/fakturom/ ugovorom sa turističkom agencijom.

Odobrena sredstva se jednokratno uplaćuju na račun roditelja/staratelja/zakonskog zastupnika učenika.

3. POTREBNA DOKUMENTACIJA

Zahtjev za sufinansiranje podnosi roditelj/staratelj/zakonski zastupnik učenika.

Podnosioci zahtjeva obavezni su uz zahtjev priložiti sljedeću dokumentaciju ne stariju od 3 mjeseca, u originalu ili ovjerenoj fotokopiji:

1. uvjerenje o kretanju za roditelja/staratelja/zakonskog zastupnika učenika (izdaje: MUP Ilijaš);
2. potvrdu osnovne škole kao javne ustanove sa područja općine Ilijaš o redovnom školovanju učenika/ kandidata (izdaje: Obrazovna ustanova)
3. dokaz o troškovima odlaska na ekskurziju - predračun/ priznanica/faktura/ ugovor sa turističkom agencijom iz kojeg se vidi iznos cijene ekskurzije, koji nadležna služba pribavlja po službenoj dužnosti od osnovne škole koju pohađa učenik/kandidat;
4. kućnu listu (Izjava ovjerena od strane nadležnog općinskog organa);
5. dokaz o ukupnim mjesečnim prihodima-primanjima podnosioca zahtjeva i članova njegovog domaćinstva po osnovu radnog odnosa, boračko invalidske zaštite, penzije, samostalne djelatnosti i drugih osnova (Firma/PIO/BIZ/Porezna uprava);
6. potvrda škole o redovnom školovanju u osnovnoj i srednjoj školi članova domaćinstva navedenih u kućnoj listi (Izdaje: Obrazovna ustanova);
7. za učenike čiji su roditelji nezaposleni – uvjerenje Službe za zapošljavanje Kantona Sarajevo (Izdaje: JU Zavoda za zapošljavanje KS – Biro Ilijaš);
8. za učenike bez jednog ili oba roditelja - izvod iz matične knjige umrlih za roditelja/e (Izdaje: Matični ured općine);
9. pravosnažno rješenje o utvrđenom stepenu invaliditeta (za učenike sa invaliditetom) – (Izdaje: Nadležna ustanova/institut);
10. izjava da je roditelj/staratelj/zakonski zastupnik saglasan da se lični podaci učenika obrađuju i koriste isključivo u svrhe obrade prijave na javni poziv, a u skladu sa važećim Zakonom o zaštiti lični podataka – izjava ovjerena pred općinskim organom uprave.

Zahtjev za dodjelu sredstava može se preuzeti na Info pultu Općine Ilijaš ili sa zvanične web stranice Općine Ilijaš.

Općina neće finansirati zahtjeve koji su podneseni nakon realizacije ekskurzije.

Zahtjev sa dokumentacijom podnosi se Službi za društvene djelatnosti i poslove mjesnih zajednica putem protokola Općine Ilijaš, ulica 126.ilijaške brigade 16.

Za sve dodatne informacije zainteresovana lica mogu pozvati broj telefona 033/580-690.

Javni poziv ostaje otvoren do utroška sredstava planiranih za ovu namjenu, a najkasnije do 31.oktobra tekuće godine.

OPĆINSKI NAČELNIK


Amar Dovadžija

Broj: 07-34- 1639 2025.

Datum: 04.07.2025. godine